


12-3-188

'T SKIEPPE- STURTSJE



doarpskrante fan tsjerkwert e.o.

REDAKSJE: Ineke Feenstra-Sijbesma, tel. 9277
Sytske Dijkstra-Bouwuis, ,, 2968
Richtsje Speerstra-Bakker, ,, 2635
Rients van Buren, ,, 9280

TYPE- EN STENCILWURK: Thea Dam-Ruiter.

OMSLACH: Albert van Lingen jr., Wergea.

REDAKSJE-ADRES: Ineke Feenstra, Singel 2,
8765 LL Tsjerkwert.

BANKRELAASJE: Rabobank Bolsward; giro nr. 856.829 t.n.v.
Rabobank Bolsward, reknr. 3087.56.800
t.g.v. It Skieppesturtsje Tsjerkwert.

=====

FOARWURD:

Foar jo leit it 3de "Skieppesturtsje" fan 1988.
It earste krantsje sûnder Jan Dijkstra, geastlike heit
en haadredakteur fan ús doarpskrante. Man fan it earste
oere! Nei 12½ jier fûn er it tiid om op te stappen.
Wy as oerbliuwers, wiene suver earst wat de kluts kwyd!
De ploech optrommelje foar de gearkomste, Jan die it!
Omslaggen bestelle, adreslabels komme litte, Jan die it!
Mar no die Jan neat!!!
Yn al dy jierren is der hiel wat wurk fersetten; yn't
besûnder by de start moasten de skouders der ûnder en
moast eltsenien stimulearre wurde om kopy yn te leverjen.
Troch de jierren is "It Skieppesturtsje" útgroeid ta wat
it no is. Jan hie der lykwols noch in funksje by: Skieppe-
sturtúttrikker.....Dat die er op syn eigen ûnferfangbere
wize.
Ek wie hy de keunst fan it lotterjen machtich.

Mar der is in siswize: "Der is nimmen ûnmisber", en sa sil it no ek wol wêze. Jan, tank foar dyn ynset!

Wy binne drok dwaande om in nije man of frou te sykjen om ús gelederen te fersterkjen. Profylskets: rap mei pen en mûle en hy/sy moat wol ferstân ha fan lotterjen. As der nijs fan it front is litte wy it jimme sa gau mooglik witte.

Ineke Feenstra draait ek al wer mei. Se knapt aardich op, wêr't we tige bliid om binne.

Noch mar wat genietsje fan it moaie waar, út en troch ris in eintsje rinne of fytse op ús nije fytspaad en do silst al gau wer de âlde wêze, Ineke!?

Jan hat no fansels ek moai tiid te fytsen;

oan it fytspaad hoecht it dus net te lizzen. Freed, 3 juny, de middeis om twa oere waard it nije fytspaad, neamd "De Trekdyk", offisjeel iepene. Boargemaster Abma fan Wûnseradiel, frou M. v.d. Werf lokoboargemaster fan Boalsert, van der Meer, boargemaster fan Nijefurd en dhr. Noordmans fan wetterskip "It Marnelân", fytsten it hiele nije paad del om yn Tsjerkwert mei in hoeraatsje troch it lint te fytsen. Se hiene in dûbele taak; ek de iisbaan moast iepene wurde. Hawar, mear hjiroer kinne jimme fierder-op yn dit krantsje lêze. We moatte elkoar it gers net foar de fuotten wei meane.

Sa giet de tiid yn drokte foarby. It is in spannende tiid foar alle eksamenkandidaten. As dizze krante ferskynt ha de measten al of net in telefoantsje hân. Wy hoopje foar elk op in goede útslach!

Sa sûntsjes oan binne der al wer minsken, dy't der in pear dagen tusken út knipe; oaren kalfaterje karavan, auto, boat of fyts op, om mei te dwaan oan de jierlikse folksferhuzing, dy't fakânsje hjit.

Wy winskje elkenien in protte fertier. Bliuwe jo thús, ferjit dan ús eigen kuier-en fytspaad net.

Jou jo mar ris del op ien fan de bankjes oan dizze paden en genietsje fan wat ús eigen "bêste lân fan ierde" te bieden hat.



Waling Dijkstra brocht it ûnder wurden:

SIMMERMOARN

Wat bisto leaflik,
rizende simmermoarn!
't Opgeande sintsje
laket my oan.
't Hoantsje kraait
kûkeld
't Doke ropt:rûkûkû!
Ik wol ek sjonge
Fleurich fan toan.



Alles wat libbet
docht der no sines by:
Fôltsjes ek kealtsjes,
hynders en kij;
Guoskes, dy snetterje,
skiepkjes, dy't bletterje,
lamkes, dy springe,
nuvere blij.

't Ljurkje yn'e wolken,
de eintsjes yn't lizich wiet,
moskjes en sweltsjes,
elts sjongt syn liet;
De ear'barren klapperje,
ljipkes wjukwapperje
skries op'e hikke,
ropt: grito-griet!



'k Woe foar gjin gûne
dat 'k hjir te sliepen
lei, 't is my sa noflik
ier op'e dei.
Protters, dy tsjotterje,
de eksters, dy skatterje,
Alles is fleurich:
Ik bin it mei.



Rixt Speerstra.

BERICHTEN VAN DE DORPSOMROEPER:

Ditmaal had ik voor u in deze 61ste bijdrage het volgende opgetekend:

Vooreerst bericht ik u als lezer, dat op donderdag 4 aug. a.s. het kampioenschap van Nederland voor stads- en dorpsomroepers zal worden gehouden in Sneek.

Met gedane en nog te maken afspraken kunt u alvast rekening houden!

Het 3de net.

Televisie is een belangrijk gegeven in onze samenleving geworden en de discussies over welke rol het medium speelt, zal wel een blijvende zijn. Televisie is nu eenmaal een massamedium, dat de samenleving beïnvloed.



Terwijl het volk oftewel de kijker inmiddels het figuurzagen heeft verleerd en nauwelijks nog bouwplaten in de handel zijn, die 's avonds door het hele gezin in elkaar kunnen worden gezet. Vincent van Gogh, die in 1885 de aardappelters schilderde, nogeens om de hoek kon kijken in verschillende huiskamers in de avonduren, dan zou hij misschien de eters van chips, wikkels en hoe de krakerige eetwaar ook mag heten, schilderen.

Ja beste lezers tijden hebben eenmaal tijden.

Den Haag-vandaag-gisteren en morgen-

Hoe men het ook wend of keert de H.H. bestuurders van ons land zijn nu eenmaal reislustig. Ik had allang gedacht, dat ze eens de hand in eigen boezum zouden steken, wat hier ten lande nog te verbeteren valt en niet steeds daar gingen kijken (in het buitenland) waar zij niets te zoeken

hebben, behalve vakantie vertier.

Er is bij dit alles één troost, voor de volgende verkiezing in het jaar 1990, kan men zich uitspreken hoe men dit beleid heeft ervaren!

En wat dacht u van het zoete leven van de E.G.-top.

De wijze waarop de top van de Europese Gemeenschap ons belastinggeld laat stromen onvoorstelbaar: véél geld, zon en snoepreizen.

Gysbert Japiks zei het eerstijds al: "Wij leven nu eenmaal in een bezeten wereld en wij weten het!"

De paden op de lanen in!

De 17de eeuwse filosoof Pascal, die destijds schreef, dat de ganse oorzaak van 's mensen ongeluk is, dat hij niet rustig thuis kan blijven, gaat in onze tijd allang niet meer op. Integendeel en maar goed ook, om reden, dat bedrijvigheid nu eenmaal leidt tot bedrijvigheid.

Bovenal moet het zorgelijke verlies van de laatste jaren van arbeidsplaatsen, vooral in de landbouw door een nieuwe impuls worden opgevangen. Veel mensen zijn al weer onderweg. Meer dan ooit is het van groot belang in onze regio, waar toeristen komen, wordt door hun geld uitgegeven.

Op de Ald Fears Erfroute en andere bezienswaardigheden, rijden de touringcars al weer op en aan om zich later weer te verspreiden in de wijde omgeving.


En dan het merenplan van eertijds, dat volgens mensen, en die weten, waar ze over praten, vast en zeker moet doorgaan.

Commissaris H. Wiegel zei het al in zijn laatste nieuwjaarstoespraak, dat Friesland zich meer op de watersport moet gaan richten.

De meimaand, waar in alles weer groiede en bloeide en steeds weer boeide. Op de 26ste een dag dat de temperatuur steeg tot 26.5°C.

En deze meimaand ging als volgt aan mij voorbij:

Op de 5de mei maakte ik in het middaguur een rondgang door de winkelstraten van Meppel. In de avonduren liet ik de bel in Steenwijk flink horen, daar was het koopavond. In deze twee plaatsen, waar de volgende dag de grootste koffietafel stond opgesteld en een lengte als nooit te voren bereikte van 2km in Steenwijk.



Op de 19de mei maakte ik een rondgang langs Jongemastr., Broereplein en Snekerpoort, vanwege de opening van Kooistra's lektuurhal en bloemboetiek. Twee dagen later deed ik mee aan de kampioenschappen van Noord-West Overijsel voor stads- en dorpsomroepers te Blokzijl, waar ik eindigde bij de eerste drie.....maar dan wel van anderen af. Helaas het zij zo. Aantal deelnemers negen.

Op tweede pinksterdag, begaf ik mij als 'zwartrijder' (dat was dan ook te zien) tussen de pedaleurs en verliet onder de vrolijke tonen van de stedelijke fanfare 'Oranje' om zeven uur de oude Hanzestad Bolsward, op naar de



dorpen van het traject en waar ze de bel goed hebben kunnen horen en waar ik zoals in Schettens, Witmarsum, Arum en Achlum, ook voor opdrachtgevers eertijds, hun boodschappen had omgeroepen. Zo nadere ik de stad van de 'Oude Seunen' en vervolgens richting de voormalige academie-stad Franeker.

Tussen Herbayum en Franeker dronk ik koffie bij wel zeer sociaal bewogen lieden, die mij aanriepen, of ik trek in koffie had.

Na dit kleine oponthoud, toog ik dankbaar op naar Franeker, waar ik mijn eigengemaakte stempelkaart liet afstempelen, dit was bij het bejaardencentrum Statenoord a/d Pr. Beatrixstr. 1. Hier was veel publiek aanwezig. Ook de keurige bejaardenhulpen in witte uniformen, die ik vroeg of ze misschien een massage diploma in hun zak hadden en zo goedwillig zouden willen zijn, mij een massage te geven. Dit ging niet door, maar wel werd mij koffie aangeboden door de vriendelijke kok van het huis.

Vanwege verplichtingen op de Ald Faers Erfroute deze dag, verliet ik het peleton aldaar, na eerst nog vele pedaleurs de beste wensen mee te hebben gegeven richting Dokkum.

Op donderdag de 26ste mei, maakte ik in een rondgang door Tjerkwerd, Arkum en Dedgum, om de al meer dan 35 jarige fouragehandel van de fam. Gietema, aan te prijzen op de

twee open-dagen aan de Hemdijk.
 Ook in deze bijdrage pleit ik wederom met de oude
 Prediker voor bescheidenheid. Ditmaal met de woorden
 van Robert Hartman, die eertijds het volgende zei:
 "Met eierzucht is het als met zout water, hoe meer men ervan
 drinkt, hoe dorstiger men wordt."
 Joost van de Vondel formuleerde het zo:
 "Wie zijn geluk niet kent leeft
 ongelukkig in rijk bezit."
 Wederom van huis tot huis de
 hartelijke groeten van de dorpsomroeper.



=====

KENINGINNEDEI 1988

Moarns lette Freark Schakel de dei yn en it muzyk gong
 troch de buorren.
 Yn it tintsje op it fjild stie de kofje al klear.
 Der stiene dy dei sporten en spultsjes op it program.
 Senioren- en jeugdkeatsen, volleybaljen en spultsjes
 foar skoalbern.
 De middeis wie der in trekkerbehindichheids-wedstriid.
 Der wiene 15 dielnimmers. It wie werris wat oars.
 Foar guon wie it in toer, want de melkbus foel gauris
 om en dat kost punten.
 De jûns wie der in guozzebrief troch ús doarp. In protte
 fragen en ek spultsjes. Der wiene in protte dielnimmers;
 prachtich!
 Nei ôfrin koe der dûnse wurde op'e muzyk fan de "Mixers".
 Dêr wienen net in soart minsken en dat wie jammer.
 Mar al mei al wie it in slagge dei, want ek de sinne liet
 ús net yn'e steek.

Utslagen fan sport en spultsjes:

Guozzebrief: 1e priis - Jehannes Dijkstra
 2e " - Jaap van Lingen



3e priis - Joes Falkena

Spultsjes foar de bern:

- Groep 1 en 2 - Elts krige in presintsje.
Groep 3 - Tineke Schukken
" 4 - Gerrie Bakker
" 5 - Nellie (T) Haarsma
" 6 - Alex Draaisma
" 7 - Matthijs Stel
" 8 - Judith Falkena

Jeugd-keatsen:

- 1e priis - Tjeerd Haarsma
Marijke Dijkstra
Durk Ouderkerken
2e priis - Johan Ouderkerken
Martine Hylkema
Leon Falkena



Senioren-keatsen:

- 1e priis - Thomas Burghgraef
Johan Gaastra
2e priis - Hein Gietema
Anne H. de Boer

Volleybaljen:

1e priis:

Jaap v. Lingen
Wiebe Huitema
Boukje Gietema
Rinny Hiemstra
Broer Burghgraef
Sytske Dijkstra

2e priis:

Cilia Huitema
Janneke Gietema
Nico Postma
Bernhard Algra
Jehannes Dijkstra
Ieb Witteveen

Trekkerbehindichheids-wedstriid:

1e priis - Jelle Zijssling

2e priis - Bertus R. Bakker

Eltsenien wurdt tige tanke foar syn help en ynset.

Oant sjen,


it oranje fer. bestjoer.

.....

IT PJUTTEHONK:

Jim kinne in ynformaasje-krantsje oer ús manier fan wurkjen oanfreegje by Jeanet Volbeda.

Se it te berikken op tel, nûmer 05157 - 2450.



EVEN VOORSTELLEN.....

In 'It Skieppesturtsje' nummer 2 stond de mededeling dat Allette en ik op 25 maart j.l. getrouwd zijn. Hoog tijd dus om me even nader voor te stellen.

Ik ben een echte stadsman die voor het eerst van z'n leven op een dorp is komen wonen. Ik moet zeggen dat het mij na 39 jaar stadsleven prima bevalt. Voor mijn werk moet ik nog wel elke dag naar Leeuwarden. Ik werk er als leraar aan een mavo.


Met mij meegekomen zijn Nienke, 11 jaar, en Mark, 10 jaar. Het bevalt hen ook prima in Tjerkwerd en in het nieuwe grote gezin. We beginnen met z'n zevenen al aardig op elkaar ingespeeld te raken en zullen ook in het dorp graag met iedereen op goede voet leven. Tenslotte wil ik u, ook namens Allette, hartelijk danken voor uw bijdrage, in welke vorm dan ook, aan ons huwelijksfeest.

Sytze Nauta
Sylroede 4

~~~~~

### SLAGGE OAN'E MUZYKSKOALLE:

Piano-diploma A - Martine Hylkema  
Piano-diploma C - Sjoukje Hylkema  
Diploma A cornet - Sjoerd Huisman  
Diploma B cornet - Beitske Breeuwsma



### OPBRINGST KOLLEKTEN:

De opbringst foar de Hartstichting wie f 499,45.  
De opbringst foar it Reade Krús wie f 472,25.

Eltsenien hertlik tank!

## FERSLACH FAN IT REISKE:

Noch efkes wat oer it reiske fan ús Tsjerkwerters en Dedzjimers.

Om ien oere mei skitterend waar en in bêst sin gongen 6 auto's mei 23 dielnimmers op nei it hêge noarden.

Nei in hap en in snap tusken fleurige greiden en stoffige bougrûn giet it op nei Peasens Moddergat om it fiskers-húske etc. te besjen.

Nei earst in bakje tee en wat ekstra's, waard der mei dia's en in tige ynteressante úteinsetting jûn, oer it libben, it wurk en it gefaar fan dit seefiskjen, wat mei de ramp fan 1880 ferskriklik swier west hat.

Dan noch efkes oer it waad sjen en doe gong it mei wat omriden oer Gietsjerk op nei Hurdegryp, wêr poer gesellich in slok en in hap iten soldaat makke is.

Wêrnei it op nei hûs begong, en it reiske úteinlik by de fam. Gietema op 'e Himdyk, syn ein fûn.

Alles meielkoar in tige slagge en gesellige middei, dat seker it fuortsetten en alle hulde en tank oan de organisaasje wurdich is.

In dielnimmer.

#####

## BOARGERLIKE

### STAN



\*Meinte Galama en Karin Ypma ha  
elkoar it ja-wurd jûn op 25 maart.

\*Op 14 juny krigen Aart van Weelden en Beppie  
Aukema op Pytsjepôlle in jonge soan.  
Hy hjit Sander. Lokwinske!

## IT WALTAHUS:

Sa'n 15 jier stiet it Waltahûs yn it sintrum fan ús doarp. Us doarpshûs hat altiten in wichtich plak ynnaam om ferieningen in noflik ûnderdak te bieden. It tal ferieningen wurdt net grutter en de aktiviteiten fan ûnder-skate ferieningen wurde minder besocht.



Us tinkt dat de saak yn Tsjerkwert wat oan it deablieden is. De maklikste wei is: lit stjerre, wat stjerre wol. No, sa wol ús bestjoer eins net. We hawwe de seal opkreeze mei nije gerdinen, der binne termopene ruten kommen en dat ha we net dien om de saak ticht, út en kâld stean te litten. Wy hoopje, dat de doarpsgenoaten mei ús de skouders der ûnder sette wolle. Yn oerlis mei de behearder sil it gebou yn it nije seizoen faker iepen wêze en ús bestjoer wol in earste oanset jaan: 1. Ien kear yn'e moanne wolle wy foar de jeugd in

disco-jûn organisearje.

2. Der stiet in play-back annex soundmix-show fan eigen doarpsgenoaten (lyts en grut) yn oktober op priemmen.

3. Wy fine, dat der op dûnsjûnen te min dûnse wurdt.


As der belangstelling is, wolle wy jo graach yn'e gelegenheid stelle it te learen, bygel. 1 x yn'e fjirtjin dagen (moderne en klassike dûnsen).

Om ta organisaasje oer te gean moatte der fansels diel nimmers wêze.

Fine jo ek dat yn Tsjerkwert de dea yn'e pot-sit, help dan mei om ús doarpke nij libben yn te blazen.

Jou jo op foar aktiviteiten 2 en 3 by it bestjoer  
foar 1 septimber:

|                                     |      |
|-------------------------------------|------|
| Pier Zijsling, foarsitter, till.    | 2786 |
| Sjoerd Gaastra, skriuwer, "         | 9517 |
| Jehannes Huitema, skathâlder, till. | 9287 |
| Rients van Buren, "                 | 9280 |
| Bertus Walsma, "                    | 2618 |
| Akke Gietema-van Wieren, "          | 9112 |
| Jan Dijkstra, "                     | 9498 |



Jo hearre neiere berjochten yn it folgjende krantsje,

it bestjoer.

oooooooooooooooooooooooooooooooooooooooooooooooooooooooooooooooooooooooo

BYDRAGEN BINNE KOMMEN FAN:

S. Poelstra - Piaam, B. Walsma - Ymswâlde,  
O. Jorritsma - Twizel, J. Bakker - Jobbegea, Y. Gietema -  
Warkum, W. Poelstra - Dedzjum.

Foar nije lêzers: Wy ha net in fêste abonnemintspriis,  
jo bydrage is dus frij en kin stoarten wurde op:  
reknr. 3087.56.800 t.n.v. Rabobank Bolsward.  
(sjoch ek pag. 1 fan dit krantsje)



TT BESTJOER FAN'E STICHTING

"IT WALTAHUS" FREGET FOAR HAR DOARPSHUS

IN

## BEHEARDER (m/f)


PER 1 AUGUSTUS 1988

Ynljochtings binne te krijen by:

P. Zijsling, foars., Beabuorren 2,  
Tsjerkwert, till. 2786.

Sollisitaasjes foar 1 july stjoere nei:

Sj. Gaastra, skriuwer, Hemdyk 7,  
8765 PA Tsjerkwert.



# Sportraad Wûnseradiel



De Sportraad Wûnseradiel is voornemens om in 1988 een aantal (sport)aktiviteiten te organiseren, al dan niet in samenwerking met plaatselijke organisaties.

ZWEMMEN: Om het Kampioenschap van Wûnseradiel.

Datum: Zaterdag 16 juli 1988 te Witmarsum.

Aanvang: 10.00 uur.

Aanmelding ten gemeentehuize (A. Nauta) of bij het zwembad tot en met 12 juli.

Diverse leeftijdsklassen.

~~~~~

Bedankt voor de meer dan honderd kaarten, die ik kreeg in het ziekenhuis en toen ik thuis was. Ook voor de bloemen, fruit en kadootjes en voor uw bezoek aan huis.

Bedankt, Ineke Haarsma.

~~~~~

## BERJOCHTEN FAN DOARPSBELANG:

De tiid hâldt gjin skoft. Sa is 3 juny alwer ferline.  
De offisjele iepening fan ús iisbaan en nije fytspaad  
Tsjerkwert-Boalsert ha wy hân.

No wolle wy yn fûgelflecht noch efkes werom sjen en be-  
gjinne dan earst mei in stikje skiednis, wat it fytspaad  
oanbelanget.

+ 300 Jier ferlyn waard "De Trekdyk" as trekpaad brûkt.  
De stêd Warkum wie de eigner oan-te-mei 3 juny 1988.

Oant dizze dei ta, mochten ky, skiep en hynders dêr dreaun  
wurde. Hjirfoar moast betelle wurde. Dêrfoar hie men dan  
tolhikken. "De lêste tolgearder" fan Tsjerkwert wie mei  
de reuny-feesten Sjoerd Breeuwsma.

No't it trekpaad, fytspaad wurden is, is dat alles nei  
+ 300 jier foarby.

Fuotgongers en fytzers meie no it paad brûke.

Oanlieding ta it ûntstean fan dit fytspaad binne de  
ruilferkaveling en de Profinsjale wei Sudergo dy't  
tusken Marnesyl en de Warkumer mar in soart oerstek-  
plakken (34) hat.

Fanwege it feit, dat in protte boeren mei harren lân oan  
dizze wei ferbûn binne en dizze wei ek harren ûntsluting  
is, hat de Profinsje wachtte op'e ruilferkaveling,  
wêrtroch der yn ruilferkavelingsferbân minder krúsing  
op'e Profinsjale wei komme sille (der bliuwe 4 oer).  
Yn'e takomst wurdt de parallelwei Parregea - Boalsert  
hjirtroch, mei al har ferkear, swierder belêst en dus ek  
gefaarliker benammen foar de kwetsbere groep: de fytzers.  
Foardat 'de ruilferkaveling' ta stimming oergie, moast  
ien en oar regele wurde.

Feilichheid foar fytzers en fuotgongers stie ús foar  
eagen. Dêrmei gyngen we op paad en kamen by ferskate  
oerheidynstânsjes.

It resultaat hjirfan is west, dat "de trekdyk", fytspaad  
waard.

Doarpsbelang, hat yn gearwurking mei de gemeente  
Wûnseradiel, fia in oprop oan har eigen ynwenners, frêge  
om in namme foar it nije fytspaad.

Keazen is foar "De Trekdyk", betocht troch R. Speerstra.  
De namme "Trekdyk", wie sa ynboargere, dat wy fûnen it

winsklik, dizze ûnoffisjele namme, no offisjeel te meitsjen.

De iisbaan, dêroer is fan âlds op in soart gearkomsten fan'e iisklub nei frêge, der moast in iisbaan komme. Pealtsjes binne wol troch B. Volbeda yn'e wiette klaai treaun, mar realisaasje bleau út, oant-te-mei it stipebelied fan de Profinsje 'Kleine Kernen' hjir bekind mei de namme Greidhoeke Súd, berne waard en doarpsbelang de prioriteiten fan ús doarp oan harren kenbaar makke. Doe kaam der jild los en draaiden de kranen fan U. Haarsma en kaam der beplanting fan "De Stobbe" út Hichtum. De iisklub koe in centrifugale pomp keapje en pleatste in stek en sa wie de iisbaan dochs in feit wurden. Doel: De bern, as de Trekfeart noch net fertrouwt is, reedride litte op'e iisbaan.

Doe wie it safier, de iepening fan it nije fytspaad en iisbaan op 3 juny 1988.

Mei in fraai sintsje en in stevich wyntsje fytsten fjouwer pommeranten: boargemaster Abma, boargemaster van der Meer, loco boargemaster M. van der Werf en dhr. P. Noordmans op it nije fytspaad fanút Boalsert rjochting Tsjerkwert.

Under muzykale beglieding fan 'Eensgezindheid' en in protte publyk fytsten hja yn Tsjerkwert troch it lint en doe wie it fytspaad offisjeel iepene.

Boargemaster makke dêrnei de namme fan it paad bekind: De Trekdyk.

Under tasicht fan grut én lyts iepene boargemaster Abma symbolysk de nije iisbaan. Hy die dat troch in maquette makke troch A. Dam, fol te stoarten mei iisblokjes en iislollies. De bern songen in feestlied en ha lekker fan de iislollies smult.



Yn it Waltahûs ha ferskate sprekers de hiele gong fan saken oer de tastânkoming fan fytspaad en iisbaan oereide. Oan it ein fan dizze middei, waard oan'e iepeners in boekje jûn: "Klaverbladroute Tjerkwerd".

Yn gearwurking mei doarpsbelang, ArtiSjok en it Kalligrafisch atelier 'Stilus' fan Anne de Vries is dit boekje ta stân kommen.

Yn dit boekje stean 4 kuier- en 4 fytsroutes.

De 4 kuierroutes binne:

1. De trije doarpen route, troch Tsjerkwert, Dedzjum en Parregea.
2. De Hantsjemier-route, in agraryske route.
3. De Dijkgravenroute.
4. De stêd- en plattelân-route.

Alle routes duorre ûngefear twa oeren.

De 4 fytsroutes binne:

1. De museumroute.
2. De molen-route, û.o. dy fan Beabuorren, Wytmarsum en Skettens.
3. De route van het bruine café. Sels Tjerkje Huitema op'e Kliew is yn dizze route opnommen.
4. De keramiek-route.

Foar f 8,- kinne jo sels ek dit boekje mei in keramysk klaverbldsje fjouwer, karakterstyk foar al dizze kuier- en fytsroutes, keapje by Galerie ArtiSjok op tsiisdei oant-te-mei sneon fan 13.00 - 17.00 oere en yn'e moannen july/aug. fan 10.00 - 17.00 oere.

De routes binne stik foar stik de muoite wurdich.

Wy riede jo 'tige oan dit boekje mei de prachtige routes te keapjen.


Fierders wolle wy as doarpsbelang eltsenien, dy't op hokker wize ek meiwurke hat by de tarieding en op 3 juny, tige tank dêrfoar sizze!

Ta besluit noch wat oer de kursus Frysk yn 1988/89, organisearre troch de AFUK.

Foar dizze kursus ha harren no trije minsken opjûn.

Twa foar de kursus: Leargong A en ien foar de kursus Fries voor niet Friestaligen.

Oft der noch guon binne, dy't har foar in kursus opjaan wolle, dan kin dat noch wol. Ha jo belangstelling dan kinne jo kontakt opnimme mei: Th. Dam-Ruiter, till. 9406.





Snein-te-jûn hiene 'Eensgezindheid' en 'ConSpirito' de de útsetter fan it muzyk- en sjongseizoen; in muzikale gearkomste yn'e tsjerke. Meielkoar waard der songen en musisearre.


Der wie in feestlik hichtepunt dizze jûn; de útrikking fan "de lytse noardske balke" oan 'ConSpirito' (= in âld frysk muzykynstrument). It koar wist dizze priis 5 juny yn'e wacht te slepen op it priissjongen yn Ljouwert. Se waarden earste yn de ôfdieling AB.

Se lieten de winnende stikken 'Op'e swalk' en 'Witer noch as snie' snein nochris hearre.

Twa solisten dizze jûn; Sytse Gietema liet ús genietsje fan 'O, Iisis und Osiris' en Geartsje v.d. Wal soarge foar kipefel mei har fertolking fan 'Stay with me till the morning' út Young Amadeus.

Se waarden begelieden troch ús korps, dy't fierder 'Alleluja', 'Choral and Rock' en Lobe den Herrn' foar ús spilen.

It wie in noflike muzykjûn.



Op deze manier willen wij een ieder bedanken, voor de manier waarop u op onze uitnodiging tijdens de open-dagen en daarna hebt gereageerd.

Voor de belangstelling, bloemen etc. bedankt.

Tevens staan wij elke dag voor u klaar van 9 - 18 uur en zaterdag van 9 - 17 uur. Kom eens langs!

Fam. Gietema, Exmorra-Tjerkwerd.

## S N Y P S N A R E N:

- "In bûtekânske", tochten Douwe en Ytsje. De buorlju stekke de dobbe oer en de flierbedekking past fêst krekt by ús yn'e keamer. Mar de oannimmer hie him net alhiel oan'e ôfmjittingen holden. It draaide út op nij.
- Akke G. stie by Bloemkamp. Se snapte net dat de kaaaien net op'e Sierra pasten. Der binne mear Sierra's, Akke....!
- Thea Huitema hat it fleanende drok. Se hat gjin tiid har tennisoefeningen te dwaan. Se oefent, sa't se seit, op it autostjoer. Doarpsgenoaten jim binne warskôge!
- By de trekkerbehindichheids-wedstriid wie Thys de âldste dielnimmer mei de âldste trekker.
- Hylke stie mei knoffelige hannen de ûnderbroekjes fan syn froulju op te kniperjen. Alie P. fûn dat gjin manlju' swurk. Een goede buur is beter dan een verre vriend....
- Johanna B. wie earst readbûnt, no is se swartbûnt.
- Lolle en Titia ha in nije hûn. Hy hjit Ora (et Labora) Lolle docht wat der oerbliuwt.
- Us krantebesorgster fan'e Waltawei gyng lêsten mei de kranten ûnder de earm op'e racefyts der by lâns. De wyn spile op en it nijs wie foar de kikkerts. Nim de bedriuw-fyts; net moai, wol sa handich....
- Siepy en Binke waarden troch in swiere tongerslach tsjin de grûn smakt. Binke hie dit ek alris earder be-libbe! Wy tinke no dat Binke oantrekkingskracht hat.
- Boargerlike stân ekstra: Troud: Bernard en Cissy 32 jier.  
" : Hylke en Ineke 21 jier.
- Lytse Trees v.d. Werf hie in namme ynstjoerd foar it nije fytspaad. Se hie tocht "fytspaad". En hâr namme stiê op it buordsje.
- De doarpsfeesten binne op 22 en 23 july. Hâldt dizze data frij!!
- Graach kopy foar 7 septimber.



